

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
GRAD SARAJEVO  
OPĆINA NOVI GRAD SARAJEVO  
OPĆINSKI NAČELNIK

Broj: 02/12-23-8244/18  
Sarajevo, 11.05.2018.godine

Na osnovu člana 64. stav (1) tačka b) najniža cijena, člana 88. i člana 70. stav 1., 3. i 6. Zakona o javnim nabavkama ("Službeni glasnik BiH", broj 39/14) i člana 14. Pravilnika o nabavci roba, vršenju usluga i ustupanju radova broj 09-05-26263/15 od 27.11.2015.godine, a na preporuku Komisije za javnu nabavku radova Općinski načelnik, d o n o s i :

## **O D L U K U**

### **o izboru najpovoljnijeg ponuđača u predmetu – Izvođenje radova na hitnim intervencijama – vodovodna i kanalizaciona mreža**

#### **I**

Prihvata se preporuka Komisije za javnu nabavku radova i ugovor za javnu nabavku u predmetu – Izvođenje radova na hitnim intervencijama – vodovodna i kanalizaciona mreža (broj obavještenja 422-7-3-63-3-30/18 objavljen na Portalu javnih nabavki 12.04.2018.godine) dodjeljuje se ponuđaču KONZORCIJ: MANJO DOO SARAJEVO i BOSMAN DOO SARAJEVO, sa ponudenom cijenom za ugovor u iznosu od 45.633,51 KM sa uračunatim PDV-om.

#### **II**

Otvaranje i analizu ponuda provela je Komisija za javnu nabavku radova (u daljem tekstu: Komisija), u skladu sa odredbama Zakona o javnim nabavkama. Zapisnik sa otvaranja ponuda i Zapisnik o pregledu i ocjeni ponuda Komisije sa preporukom za dodjelu ugovora u spisu.

#### **III**

Zadužuje se Služba za zajedničke poslove, da ovu Odluku objavi na web stranici Općine [www.novigradsarajevo.ba](http://www.novigradsarajevo.ba), istovremeno sa upućivanjem iste ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama, te nakon isteka žalbenog roka pripremi ugovor i dostavi Općinskom načelniku na potpis.

#### **IV**

Obavezuje se grupa ponuđača iz tačke I ove Odluke da u skladu sa odredbom tačke 3.5. Grupa ponuđača tenderske dokumentacije, dostave dokumente navedene u podtački 3.1.3. tenderske dokumentacije, a u skladu sa članom 45. stav 2. tačka od a) do d) Zakona, kao i dokaze tražene u podtački 3.3.2. i 3.3.3. tenderske dokumentacije, koji se odnose na ekonomsku i finansijsku sposobnost, što podrazumijeva dostavu Potvrde od Centralne banke BiH o stanju računa ponuđača iz tačke I ove Odluke.

Dokazi koje će dostaviti odabrani ponuđač po članu 45. stav 2. Zakona tačka od a) do d) Zakona i dokaze iz podtačke 3.3.2., moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.

## ***O b r a z l o ž e n j e***

Postupak javne nabavke pokrenut je Odlukom o pokretanju postupka javne nabavke u predmetu Izvođenje radova na hitnim intervencijama – vodovodna i kanalizaciona mreža br. 02/12-23-8244/18 od 10.04.2018..godine. Javna nabavka provedena je putem Konkuretskog zahtjeva za dostavu ponuda br. 422-

7-3-63-3-30/18 objavljeno na Portalu 12.04.2018.godine. Procijenjena ukupna vrijednost za ugovor bez PDV-a iznosi 42.735,04 KM, a vrijednost nabavke sa uračunatim PDV-om iznosi 50.000,00 KM.

Komisija je utvrdila da je da je Zahtjev za dostavljanje ponuda upućen sljedećim ponuđačima: Manjo doo Sarajevo, Orman doo Kiseljak i Mibral doo Sarajevo, istovremeno sa slanjem obavještenja na Portal javnih nabavki dana 12.04.2018.godine. Tenderska dokumentacija je na Portalu javnih nabavki BiH bila dostupna za preuzimanje. Dokumentaciju su preuzeli sljedeći ponuđači: BBS Europe, E kapija doo, Hidrom doo, Hydra doo, Music Company, Orman doo Kiseljak, Ted Invest doo, Mibral doo Sarajevo, Manjo doo Sarajevo, Bihexo doo, Fidges-upravitelj doo, Samos doo i Bosman doo Sarajevo.

U ostavljenom krajnjem roku za otvaranje ponuda 25.04.2018.godine, Komisija je konstatovala da su blagovremeno i propisno upakovane dostavljene dvije (2) ponude i to od sljedećih ponuđača: Konzorcij: „Manjo doo Sarajevo i Bosman doo Sarajevo“ i Mibral doo Sarajevo. Zapisnik sa otvaranja ponuda dostavljen ponuđačima putem fax-a.

Komisija je pristupila analizi zaprimljenih ponuda, te utvrdila da su iste ujedno i prihvatljive ponude kojim su ponuđači dokazali svoje kvalifikacije za učešće u ovom postupku i da iste ispunjavaju uslove navedene u obavještenju o nabavci i tenderskoj dokumentaciji. Komisija je izvršila i računsku kontrolu zaprimljenih ponuda, te utvrdila da su sve ponude računski ispravne.

Shodno članu 64. Zakona stav b), Komisija je pravilno i potpuno izvršila ocjenu kvalificiranosti ponuda, te poređenje i utvrdila rang listu prispjelih ponuda shodno kriteriju najniža cijena (tačka 5.1. tenderske dokumentacije - najniža cijena tehnički prihvatljive ponude) i kao najpovoljnijeg ponuđača odabrala Konzorcij: „Manjo doo Sarajevo i Bosman doo Sarajevo“, sa ponuđenom cijenom za ugovor u iznosu od 45.633,51 KM sa uračunatim PDV-om.

Rang lista ostalih ponuđača:

2. Mibral doo Sarajevo.....u iznosu od 49.915,01 KM sa PDV-om

Uzevši u obzir da je Komisija u cijelosti pravilno postupila i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cjelosti se prihvata Zapisnik o otvaranju ponuda i Zapisnik o pregledu i ocjeni ponuda sa preporukom Komisije za dodjelu ugovora. Na osnovu gore navedenog, odlučeno je kao u dispozitivu Odluke.

#### Pouka o pravnom lijeku

Ponuđači koji su sudjelovali u postupku nadmetanja mogu radi zaštite svojih prava i pravnih interesa, izjaviti žalbu ugovornom organu u roku od 5 dana od prijema pismene obavijesti (Odluke) o izboru najpovoljnijeg ponuđača. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila  
Enisa Babić, dipl.pravnik



Dostaviti:

1. Ponuđačima/učesnicima postupka
2. Služba za zajedničke poslove
3. A r h i v i / u spis